

## **Omer, dječak islamski**

Svom Allahu predala sam  
kletve svoje i moj bol...  
Srce samo saznalo je  
kad preseli dječak moj!

Obješeni i krvavi bješe,  
s polomljenim rukama,  
a Šehadet uzdisaše  
u posljednjim mukama.

„Moj Allahu, svoju krvcu  
proljevam za islam Tvoj!  
Nejma većeg zadovoljstva  
mojoj duši mu'minskoj!“

Kad mu majka na namazu  
šapnu tekbir sabahski,  
u ćeliji nasm'ješi se  
njezin dječak islamski!

Kraj rešetki šutjele su  
sjenice i leptiri...  
Od Omera umrloga  
bježali su ćafiri!

„Allah će vam silu slomit'  
a islam će pomoći!  
Kad ja umrem, brojna braća  
mojim putem će poći!“